



赛博新春 Show出个性

新春之际，钟意打机嘅朋友仔，会为屏幕入面嘅自己换一套有年味又够咁嘅全新时装。过年嘛，便係要从头set到落脚，由随身道具、专属武器，到大场景式年夜饭，各大游戏厂商每个细节落足心机打磨，费尽心思讨好各位玩家，等游戏里嘅“崽崽”们都可以着得红红火火过肥年。

秦丽莹/文 游戏官方/图

CALL你着电子靓衫

讲起新春靓衫，自然以喜庆嘅红色调为主，红白色调游戏厂商嘅巧思配搭下，玩出唔少新花臣。古风派嘅《天涯明月刀》手游，推出新春同新赛季外观——“焯翎焚云”，朱雀与火焰碰撞，大面积白色衬点缀红，尽显高岭之花气质。《逆水寒》手游都晒晒执输，推出新中式“灯花春禧”时装，寓意吉祥如意常伴，蓬蓬裙款式够晒吸睛。《英雄联盟》入面冷酷嘅刀锋“卡蜜尔”，换上“踏雪寻梅”系列皮肤后，镜头前都添咗几分柔情。《第五人格》同旺仔联名，为“古董商”打造新春皮肤“玉糖春”，娇俏可爱嘅模样着实迷人。



《逆水寒》手游



《英雄联盟》



《第五人格》和旺仔联动时装



《永劫无间》手游

武器加上新春BUFF

《永劫无间》手游今年推出嘅新春限定武器外观，款款有特色，有结合寒冰与梅花元素嘅长剑，亦有年味十足嘅限定款式——用年鱼同糖画元素打造嘅双剑，咁得意嘅武器，点会得拎去打人啊！《燕云十六声》联动《原神》，带来全新机甲武器外观“飞鹏掠空”，半透明水波纹流转其间，周围伴有细鳞蝶凌空跃动，设计得十分灵动。《QQ飞车》就一口气推出多款机甲、联赛车皮肤，你想要嘅款通通齐全，驾住新车嘅赛道上狂飙，够晒过瘾。



《和平精英》



《忘川风华录》年夜饭



忘川团圆饭

珍馐同享，福气盈盈



《和平精英》道具



《和平精英》年夜饭

上线齐齐年夜饭

食完屋企嘅豪华年夜饭，记得上线再做一次“大胃王”，同班网友齐齐聚埋食团团圆圆。《忘川风华录》手游推出“忘川团圆饭”活动，限定新春场景入面尽情玩耍，帮萌物小猫准备晚餐，做完任务可以凑埋打“川麻”，每个角色都有专属技能“出猫”变牌，超识玩！《和平精英》就新推咗敦煌主题地图，等大家一边“吃鸡”，一边同队友坐低叹“和平年夜饭”，花式打机贺新春。到咗马年，点可以有咁马年专属道具？《和平精英》推出敦煌配色嘅马头造型道具“天马口哨”，一吹就可以将马匹变成天马，原地起飞，好玩又好！

日进“豆”金

拼豆颜色多、玩法灵活，只要有耐心，就可以整出千变万化嘅小玩意。用拼豆拼出专属心愿，衬返咁年味十足嘅配色，独一无二嘅新春挂饰即刻到手！如果多花啲心思整成立体造型，寓意步步高升、福气double，论起都开心到飞起。



按图纸拼豆，摆出第一层嘅图案；用同样方法嘅主图旁边拼出第二层图案。



加热烫压。记得铺一层隔热纸，防止温度太高烫融豆粒，保留豆窿先够有质感。



用手工胶水将两层图案黏实，垫上平面重物按压一阵，令佢哋贴合会更稳阵。



穿入锁匙扣、手机链条等小配件，专属“心想事成”挂件就大功告成！

自己啲手，心想事成！



过新年便係要为屋企添啲年味！贴挥春、摆年橘呢啲贺年常规操作玩到厌？不如试下自己啲手整年货，边做边集气祈福。成品唔单止有心意，仲带住自己嘅温度，寓意住新一年心想事成。“顶流”拼豆，零难度扭扭棒，甚至食完嘅砂糖桔皮，都可以令屋企年味升呢！

郭玮文/图 黄译萱/图

应“柚”尽“柚”

广东人过年最讲究意头，碌柚叶係公认嘅“好运象征”，驱散唔顺心，招来好福气。但新鲜碌柚叶难保鲜、体积又大，唔方便随身携带，碌柚叶小挂件size就啱晒，满足大家随时随地“柚”运行嘅愿望！扭扭棒颜色多、易造型，绝对係整碌柚叶挂件嘅最佳材料。



扭扭棒折出一个“小尾巴”，再预留5cm做叶梗，剩低嘅部分对折两次做“叶面”。



将“小尾巴”扭入“叶面”中间，捏成尖头圆身嘅叶子形状，向内拗出少少弧度，睇落更逼真。



拣两只大小啱嘅砂糖桔，小啲削去一端果皮，掏空果肉做猫仔头；大啲削去两端果皮，掏空果肉做猫仔身。



用削落嘅果皮剪出耳仔、手臂、颈圈等小零件，再用油性笔喺猫头上画返得意嘅表情。



用牙签将各个零件固定，想更结实的话，可以用热胶枪喺接口处挤胶加固。



喺招财猫底部放入小灯源，灯光透过桔皮透出来，果皮纹路透光后特别似琉璃灯。

“桔”星高照

新年期间，大家都会食唔少年橘、砂糖桔，就係图个大吉大利嘅好意头。食完嘅桔皮自带清香，千祈唔好丢，大有用处！食桔仔嘅时候，花啲心思整一整，就可以拥有一盏桔皮招财猫小夜灯。新春夜晚透出暖暖灯光，温馨又旺财！



将6片叶子，从后至前以3.2.1片数量叠放，将“叶梗”扣实固定；调整叶片位置，令佢更有层次感。



绑上红绳，搭配匙扣、皮绳，秒变成车挂、随身配饰。